

17. april 2015

UPA2015/7

Ilanngussaqq F

UPA2015/7

J.nr. 01.31.11-00014

Ilanngussaq 2, oqaasertaliussat kiisalu oqaasertaliussanut nassuiaatit

Ilanngussaq 2, AIS 2015-ip aappassaaneerpeqarneranut atatillugu oqaasertaliussanut aammalu oqaasertaliussanut nassuiaatinut allannguutissatut siunnersuutit:

Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoq – Suliassa qarfik 40

Nr. 136.

Konto pingaarnermut 40.91.31-mut, Suliniutit aallaavigalugit tapiissutit

Matuma kingulianiittut ilanngunneqartussaasimannikkaluarmata peerneqarnissaat qinnutigineqarpoq. Taamaalillutik tapiissutit qitiusumik ilinniarfiit pillugit missingersuutitut ilanngussani suliassamut kisitsisini ilinniarfinnut aningaasaliissutini ilaatinneqarput:

”

60.000 kr. holdimut sapaatip akunneranut

Ilinniarsimanngitsoq (PI)

”

Nr. 137.

Konto pingaarnermut 40.94.28-mut, Nunatsinni tusagassiutitut naqitanut tapiissutit

Oqaasertaliussap matuma kingulianiittup ilanngunneqarnissaa qinnutigineqarpoq:

”Nalunaarummik nunatsinni tusagassiutitut naqitanut tapiissutit atugassannortitsinissamut tunngavissanik maleruagassiisumik atuutsitsilernissamut Naalakkersuisut piginnaatinneqarput.”

Konto pingaarnermut 40.94.28-mut, Nunatsinni tusagassiutitut naqitanut tapiissutit, nassuiaatit

Oqaasertaliussamut nassuiaatip matuma kingulianiittup ilanngunneqarnissaa qinnutigineqarpoq:

”Aningaasat qinnuteqartunut atugassiisutigineqartarneranni inatsisitigut isumannaatsunissaq ersarissuunissarlu qulakkeerniarlugit nunatsinni tusagassiutitut naqitanut tapiissutit atugassannortitsinissamut tunngavissanut maleruagassiisumik nalunaarummik Naalakkersuisut atuutsitsilersinnaanerat oqaasertaliussakkut inatsisitigut tunngavissaqalersinneqarpoq.

Oqaasertaliussaq nutaajuvoq.”

Ineqarnermut, Sanaartornermut Attaveqarnermullu Naalakkersuisoq - Suliassa qarfik 70 - 72

Nr. 138.

Konto pingaarnermut 72.06.51-imut, Inissianik tunisineq - ilanngaaseereerluni tunniussineq

Matuma kingulianiittup ilanngunneqarnissaa qinnutigineqarpoq:

Ilanngussaq 2, oqaasertaliussat kiisalu oqaasertaliussanut nassuiaatit

”Nuummi Bnr. 76, 237, 586 aamma 587-ip (tamarmik Noorlarni inissisimasut) aammalu Bnr. 1403-p (Aqqusinersuaq 21) pisortatigoortumik tuniniaanikkut qaffasinnerpaamik neqerooruteqartumut tuninissaannut Naalakkersuisut piginnaatinneqarput. Inissiat tunineqarsinnaangippata inissiat isaterneqassapput.”

Konto pingaarnermut 72.06.51-imut, Inissianik tunisineq - ilanngaaseereerluni tunniussineq, nassuiaatit

Nassuiaatip matuma kingulianiittup ilanngunneqarnissaa qinnutigineqarpoq:

”Nuummi illoqarpoq arlalinnik ima aserfallassimatigisunik inissiat najugaqarfigineqarsinnaanatik. Inissiat ima aserfallassimatiigaat inissiat iluarsaanneqarnissaat imminut akilersinnaanani. Taamaalillunilu inissiat siusinnerusukkat attartortittakkat maanna tallimat isaterneqartussanngorput. Illut pisortatigoortumik neqerooruteqarnikkut annertunerpaamik neqerooruteqartumut tuniniarniarneqarput, ilaatigut neqerooruteqartitsinikkut imaluunniit illunik tuniniaasartumi allagarsiussinikkut. Inissiat Nuummi najoruminartumi inissisimmamata soqutigineqangaatsiarsinnaasut naatsorsuutigineqarpoq.

Oqaasertaliussaq nutaajuvoq.”

Nr. 139.

Konto pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Matuma kingulianiittut ilanngunneqarnissaat qinnutigineqarpoq:

”Nr. 3.

Inissianut Illuut A/S-imit inissiatut attartortittakkatut nalinginnaasumik attartortinneqartunut atatillugu annaasaqarsinnaanermut sillimmasiinissamut Naalakkersuisut piginnaatinneqarput. Annaasat Namminersorlutik Oqartussanut saqqummiutinnginneranni naatsorsorneqarsimassapput.

Nr. 4.

Inissiap illulluunniit niuernermi nalinga, taanna illuutip inissialluunniit teknikikkut- aningaasaqarnikkut nalinganit appasinneruppat, tunngavigalugu aningaasaliissutinit iluanaarutininik akileeqqusinissamut Naalakkersuisut imaluunniit kommunalbestyrelsi piginnaatinneqarput. ”

Konto pingaarnermut 72.10.16-imut, Inissiat attartortittakkat ingerlanneqarnerat, aningaasaliissutinit iluanaarutit, nassuiaatit

Matuma kingulianiittut ilanngunneqarnissaat qinnutigineqarpoq:

”Nr. 3.

Ilanngussaq 2, oqaasertaliussat kiisalu oqaasertaliussanut nassuiaatit

Illuut A/S-ip inissiaataasa utaqqiisaasumik inissiatut, utaqqiisaasumik allatut ineqarfittut imaluunniit sulisorisanut inissiatut innersuunneqarnissaat Naalakkersuisut arlalipparujussuartigut aalajangertarpaat. Inissiat Illuut A/S-imit pigineqartut amerlanerpaartaat sulisorisanut inissiatut attartortinneqartarput. Inissiat sorliit sulisorisanut inissiatut attartortinneqassanersut aammalu sorliit inissiatut nalinginnaasutut attartortinneqassanersut Naalakkersuisut taamaalillutik aalajangertarpaat. Illuut A/S akiitsoratarsinnaanermik pisussaaffilerneqassanersuq Naalakkersuisut taamaalillutik aalajangertarpaat. Illuutini taamaattuni inissiat ataasiakkaat tuniniarnerat Illuut A/S-imit ajornakusoortinneqarpoq. Taamaattumik inissiat sulisorisanut inissiatut innersuunneqanngitsut utaqqisut nalunaarsorsimaffiat nalinginnaasq malillugu attartortinneqartarlutik, taamaalillunilu Illuut A/S annaasaqarsinnaasutut inissisimalertarluni. Taamaalilluni annaasaqarsinnaanermut qularnaveeqqut malitsigisaanik aningaasartuutunik ilaqartarpoq, soorlu attartortut nikinneranni nalinginnaasumik iluarsaanermut aningaasartuutit matussuserneqanngitsut, pinngitsaaliissummik anisitaasoqartillugu pisattanik poortuinnermut toqqortuinnermullu kiisalu akiliisitsiniartartoq Illuut A/S ineqartitsigallarnissamik piunasaqarfigippagu ineqartitsigallarnermut aningaasartuutit. Ukiumoortumik annerpaamik 0,5 mio. kr.-inik annaasaqartarnissaq naatsorsuutigineqarpoq.

Oqaasertaliussaq nutaajuvoq.

Nr. 4.

Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 31-mi allassimavoq pisortat inissiaataanni attartortittakkami aningaasaliissutinit iluanaarutissat illuutip sananeranut akiusup 1,5%-iannik annertussuseqassasut, taamaattorli minnerpaamik kvadratmeterimut 7.000 kr.-inik aamma annerpaamik kvadratmeterimut 15.000 kr.-inik. Sumiiffinni arlalinni illuutip inissialluunniit niuerfinni nalinga kvadratmeterimut ataatsimut taamaallaat 1.500 aamma 3.500 kr.-it akornanni annertussuseqartarpoq. Tamanna tunngavigalugu kvadratmeterimut ataatsimut minnerpaamik 7.000 kr.-inik akeqartitsinissap aalajangiusimaannarnissaa naapertuutinningsutut isigineqarpoq.

Illuummut inissiamulluunniit 85 kvadratmeterinik angissuseqartumut aammalu niuerfinni kvadratmeterimut ataatsimut 2.250-inik naleqartumut tamanna qaammammut ineqarnermut akiliutip 505 kr.-it pallillugit akikinnerulerneranik tamanna kinguneqassaaq.

Oqaasertaliussaq nutaajuvoq.”

Nr. 140.

Konto pingaarnermut 72.20.10-mut Usinik assartuineq

Matuma kingulianiittut ilanngunneqarnissaat qinnutigineqarpoq:

”Kalaallit Nunaannut, Kalallit Nunaannit Kalaallit Nunannilu usinik imaatigut assartuinnermut 2015-imi aningaasaliissutissatut akiliummik akiliisoqassaaq usit suunerat apeqquataatinngalu.

Ilanngussaq 2, oqaasertaliussat kiisalu oqaasertaliussanut nassuiaatit

Aningaasaliissutissatut akiliut usinik assartuinermi sullississutininik pisisartut akiligassaraat aammalu Royal Arctic Line A/S-imi usit akiisa tamarmiusut 3,10 %-iannik annertussuseqarluni.

Aningaasaliissutissatut akiliut 2011-mi 3,10 %-inik, 2012-imi 3,10 %-inik, 2013-imi 3,10 %-inik aammalu 2014-imi 3,10 %-inik akilerneqassaaq. Aningaasaliissutissatut akiliut usinik assartuinermi sullississutininik pisisartut akiligassaraat aammalu Royal Arctic Line A/S-imi usit akii tamarmiusut tunngavigalugit naatsorsorneqassalluni. Aningaasaliissutissatut akiliut 15.462.482,11 kr.-inik (2011), 15.525.774,47 kr.-inik (2012) 14.249.616,84 kr.-inik(2013) aammalu 16.355.272,40 kr.-inik (2014) akilerneqassaaq. Katillugit kr. 61.593.146.

Aningaasaliissutissatut akiliut Royal Arctic Line A/S-imit akileqquneqartarpoq. Ukiuni isertitaqarfiusuni 2011-2015-imi Royal Arctic Line A/S-ip isertitaasa akileraarutaasussaasut naatsorsorneqarneranni aningaasaliissutissatut akiliut ilaatinneqassanngilaq.

2015-imi aningaasaliissutissatut akiliutip akilerneqartup annertoqataanik Royal Arctic Line A/S-imit agguaassassanik pissarsiaqarnissamut Naalakkersuisut piginnaatinneqarput. Piffissami 2011 – 2014-imi aningaasaliissutissatut akiliutip akilerneqartup annertoqataanik Royal Arctic Line A/S-imit agguaassassanik 62.593.146,00 kr.-inik pissarsinissamut Naalakkersuisut piginnaatinneqarput.

Konto pingarnermut 72.20.10-mut Usinik assartuineq, nassuiaatit

Matuma kingulianiittut ilanngunneqarnissaat qinnutigineqarpoq:

”Piffissamut 2011 – 2015-imut aningaasaliissutissatut akiliut 3,10 %-iusoq akileqquneqassaaq. Kalaallit Nunaannit Kalaallit Nunaannilu usinik imaatigut assartuinermit aningaasaliissutissatut akiliummut akiliisoqassaaq, usit suunerat apeqqutaatinnagu. Aningaasaliissutissatut akiliut usinik assartuinermi sullississutininik pisisartut akiligassaraat aammalu Royal Arctic Line A/S-ip usinut akigititai sukkulluunniit atuuttut tunngavigalugit naatsorsorneqartassalluni. 2015-imut aningaasaliissutissatut akiliutip 16,5 mio. kr.-iumissaa naatsorsuutigineqarpoq.

Aningaasaliissutissatut akiliut ”Kalaallit Nunaanni usinik nunaqarfinnut assartuineq pillugu isumaqatigiissut” ilanngussartaalu naaportorlugit ukiumut ataasiarlugu iluarsivigineqartassaaq.

Naatsorsuutigineqarpoq ukiumoortumik sullissinissamut akiliut Royal Arctic Bygdeservicep kiffartuussinissamik isumaqatigiissut naaportorlugu pissarsiarisartagaa piffissami isumaqatigiissuteqarfiusumi tamarmi aalajaatsuussasoq, taamaallunilu iluarsivigineqarsinnaassanani. Taamaasilluni aningaasaliissutissatut akiliut taamaallaat kiffartuussinissamik isumaqatigiissut malillugu killissarititaasup iluani iluarsineqassaaq.

Aningaasaliissutissatut akiliut Royal Arctic Line A/S-ip isertitaasa akileraarutaasussaasut nalunaarsorneqarnerannut ilanngunneqassanngilaq. Kontomi isertitatut naatsorsorneqartarput

Ilanngussaq 2, oqaasertaliussat kiisalu oqaasertaliussanut nassuiaatit

aningaasaliissutissatut akiliutinit akileqquneqartunit Royal Arctic Line A/S-imit agguassat. Aningaasaliissutissatut akiliutit Namminersorlutik Oqartussanut agguanneqartarnissaat naatsorsuutigineqarpoq.

Piffissami 2011-2014-imi aningaasaliissutissatut akiliutit akilerneqartut agguanneqartussat 16.593.146,00 kr.-iunissaat naatsorsuutigineqarpoq. 2011-2014-imi aningaasaliissutissatut akiliutinit akilerneqartunit agguassassatut Namminersorlutik Oqartussanut 25 mio. kr.-it aammalu 20 mio. kr.-it Royal Arctic Line A/S-ip 2013 aamma 2014-imi akiliutigigallarpai. 2011-2014-imut aningaasaliissutissatut akiliutit akileqquneqartut, akilerneqanngitsulli 16.593.146,00 kr.-iupput.

Oqaasertaliussaq AI 2014-imit ingerlateqqitaavoq aammalu konto pingaarnermi 35.01.10-mit, Usinik assartuinnermut tunngasumit nuutaalluni. Piffissamut 2011-2014-imut aningaasaliissutissatut akiliut pillugu aalajangersakkanut ilassutit ilanngunneqarput, soorluttaaq piffissami 2011-2015-imi aningaasaliissutissatut akiliut 3,10 %-imik akileqquneqassasoq erseqqissaatigineqartoq. Oqaasertaliussaq ima allangortinneqarpoq aningaasaliissutissatut akiliutit akilerneqartut amerlaqataannik Royal Arctic Line A/S-imit agguassassanik aamma pissarsiaqartoqassalluni.

Kalaallit Nunaannut, Kalallit Nunaannit Kalaallit Nunannilu usinik imaatigut assartuinnermut akitsuummik akileqqusinnissamut tunngavik Kalaallit Nunaannut, Kalallit Nunaannit Kalaallit Nunannilu usinik imaatigut assartuineq pillugu Inatsisartut inatsisissaattut siunnersuummut kingusinnerusukkut ilanngunneqassaaq. Kalaallit Nunaannut, Kalallit Nunaannit Kalaallit Nunannilu usinik imaatigut assartuinnermi siunissami aaqqissuussaanissaq pillugu maanna isumaliutigineqartut Inatsisartut inatsisissaannut siunnersuuteqartoqarnissaanut utaqqimaarneqarput.”

Ineqarnermut, Sanaartornermut Attaveqarnermullu Naalakkersuisoq - Suliassaqarfik 80-89

Nr. 141.

Suliassaqarfimmut 80 – 89-imut Sanaartugassanut iluarsagassanullu tunngasut

Oqaasertaliussaq nr. 7-mi aningaasat 7,8 mio. kr.-it 9,8 mio. kr.-inut allangortinneqassasut qinnutigineqarpoq. Taamaalilluni oqaasertaliussaq nr. 7 imaalissaaq:

”Nr. 7.

Suliassaqarfik 80 - 89-imi, Sanaartornermut iluarsaanermullu tunngasut, sanaartugassanik ataasiakkaanik suliassap akiata 2,5 procentia angullugu akiligassiinissamut Naalakkersuisut piginnaatinneqarput, konto pingaarneq 70.01.04-mi, Sanaartornermi aqutsineq suliniutinullu aningaasartuutit, aningaasartuutit matussutissaatut. Piginnaatitsissut ataatsimut isigalugu 2015-imi 9,8 mio. kr.-inik sippuiffiusinnaanngilaq.”

Nr. 142.

Konto pingaarnermut 89.72.11-mut Nammineq inissianik tapiissutitalimmik sanaartorneq

Konto pingaarnermi oqaasertaliussap AI2014-imeersup ilanngunneqarnissaa qinnutigineqarpoq, taamaanngippammi ukiumut tamarmut aningaasaliissutit suliammut ataasiinnarmut tunniunneqaratarsinnaammata. Taamaattumik matuma kingulianiittut ilanngunneqarnissaat qinnutigineqarpoq:

”Naalakkersuisut piginnaatinneqarput, qinnuteqartumit ataatsimit imaluunniit qanigisaasumit qinnuteqartumit inissiassanik nammineq pigisassanik arfineq-pingasunik amerlanerusunik sanaartornissamut taarsigassarsinissaq pillugu qinnuteqaammik itigartitsinerup nalunaarutigineqarnissaanut.

Namminerisamik pigisassanik inissianik arfineq-pingasunik (8) amerlanerusunik sanaartornissamut qinnuteqaat inummit ataatsimeersoq itigartinneqarsinnaavoq. Ilanngullugu inuk ataaseq taarsigassarsinissamik qinnuteqaammut itigartinneqarsinnaavoq, qanigisat imaluunniit allatigut qinnuteqartumut inuit qanigisaasut nammineq pigisassaminnik inissianik arfineq-pingasut sinnerlugit amerlassusilinnik sanaartornissamut akuerineqarsimappata. Kiisalu inuk ataaseq taarsigassarsinissamik qinnuteqaammut itigartinneqarsinnaavoq, ingerlatseqatigiiffimmi, peqatigiiffimmi siulersuisunut peqataaguni allatigulluunniit inatsisitigut akisussaalluni inummut allamut, taakkua ataatsimoortumik namminneq pigisassaminnik inissianik arfineq-pingasunik (8) amerlanerusunik sanaartornissamut akuerineqarsimasunut.

Inuup qanigisaqarnera imaluunniit allatigut qanigisaqarnera imatut paasineqassaaq katissimallugu aapparisaq, qanigisaasoq imaluunniit qummut ammulluunniit ningaarisag/ukuarisaq imaluunniit sanimut imatut qanigitigalugu qatanngutigisap qitornaatut imaluunniit allatut qanigisaralugu, taakkua suliap naammassineqarnissaanut immikkut inuttut imaluunniit aningaasaqarniarnikkut soqutigisallit

”

Konto pingaarnermut 89.72.11-mut Nammineq inissianik tapiissutitalimmik sanaartorneq, nassuiaatit

Matuma kingulianiittut ilanngunneqarnissaat qinnutigineqarpoq:

”Inissiat nammineq pigisassat assigiit tassungaluunniit assingusunik nammineq inissiaatissanik assigiinnik sanaartoriarluni tuniniaanerup inissianik niuerfimmi akinik ajortumik sunniuteqarsinnaanera taamalu inissianik niuernerup qajannarsisinnaanera pillugit aningaasaliissuteqartartut paasissutissiinerat aallaavigalugu pingaaruteqarpoq, tuniniaanissaq imaluunniit atorneqaleranni tunisaqarnissaq siunertaralugu nammineq inissiaatissanik arlalinnik sanaartornissaq pillugu qinnuteqaatinik itigartitsisinnaaneq.

Ilannugsaq 2, oqaasertaliussat kiisalu oqaasertaliussanut nassuiaatit

Suliffeqarfiit aningaasaliissuteqartartut erseqqissaatiginikuuat, namminerisamik inissianik arlalinnik assigiinnik assingusunilluunniit sanaartorerup tamatumalu kingornatigut tuniniaanerup inissianut niuerfimmi akit ammut sunnersinnaagai ineqarnermi niuerfimmik qajannarsisitsisinnaasumik. Taamaattumik kissaatigineqarpoq namminerisamik inissianik arlalinnik amerlassusilinnik sanaartornissamut pilersaarusiap tunineqarsinnaanissaanut imaluunniit atorneqalernerani tunineqarsinnaanissaanut qinnuteqaatip itigartinneqarsinnaanissaa. Niuerfik qulakkeersinnaajumallugu kissaatigineqarpoq aamma periarfissaqartoqarnissaa namminerisamik inissianik arlalinnik amerlassusilinnik sanaartornissamut taarsigassarsianik itigartitsisinnaanissaq, taakkunani qinnuteqaatit qanigisanit arlalinnit aamma qanigisarinerusanit, ingerlatseqatigiiffinit imaluunniit inatsisitigut akisussaallutik inunnit allanit tunniunneqartunut.

Oqaasertaliussaq AI2014-imit ingerlateqqitaavoq.”